



# Ալեքսանդր Ճատուրյան

## Ցանկություններ

1

Կուզեի լինել հայ աստվածաբան,  
Նոր վերադարձած արտասահմանից.  
Ցույց տալ խեղճ ազգիս դրախտի ճամփան,  
Ազատել նրբան «բազո՛ւմ մեղքերից»...  
Շատերի նրման, և՛ ինձ մայր աթոռ  
Կըտար, անկասկած, պաշտոն փառավոր...

2

Կուզեի լինել ես հայ խրմբագիր,  
Հայոց «այբուբենն» ակնոցով ջոկող  
Ֆանդ ու բեկլանով տըպել լըրագիր,  
Կյանքում չըզըրած բընավ ոչ մի տող...  
Համբերող հայ ազգն իմ պեսին, անշուշտ,  
Կըտար հա՛ւ անուն, կըպահեր հա՛ւ կուշտ...

Կուզեի լինել հայոց վանքերից  
 Մեկի վանահայր հեռու անկյունում,  
 Որ մարդ չըտեսներ եկամուտներից  
 Որքա՛ն է ծածուկ իմ ջեբը գրնում...  
 Եվ, հարկավ, իմ պետն ինձնից գոհունակ՝  
 «Պի՛նդ տեղդ նըստիր» կըտար ինձ կոնդակ...

Կուզեի լինել հայ երեցփոխան,  
 Հաշիվ չըտվող տասնյակ տարիներ.  
 Հենց ժամի կողքին ես էլ սեփական  
 Շենք կըշինեի, դատած տընի տեր...  
 Եվ թե մի հայ թերթ անվաներ ինձ գող,  
 Մի ուրիշ հայ թերթ կըկարդար ներբող...